



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1712

Q. 284. Quid denique adhuc notandum sit circa prudentiam confessarii.

urn:nbn:de:hbz:466:1-42433

Quis viator eligit viam periculosam aut luto-
sam , si videat securiorem & mundam ? 11.
Unam tantum animam habes : hac salvata sal-
va sunt omnia : hac damnata perdita sunt
omnia.

Q. 284. Quid denique adhuc notandum sit circa 1932.

prudentiam Confessarii. Rz. Instructiones , quas
S. Xaverius dabat Missionariis Apostolicis , eti-
am Confessariis serviunt pro sua & pœniten-
tium directione : in hunc autem sensum dice-
bat. 1. Authoritas est quidem necessaria acce-
denti ad munus Apostolicum , sed hæc Dei do-
num est , quam si quis querat præterquam ad-
juvante virtute funditus perdet , nec permittet
Deus , ut constanter habeat , ne sic vilia fiant ho-
minibus cœlestia dona . 2. Studiose quæsita fa-
miliaritas displicet , nimia confidentia nocet , as-
sumpta gravitas suspicionem præbet arrogan-
tiae exigentis reverentiam : nil affectatum sit in
verbis , gestibus , actionibus tuis : malis dici sin-
cerus quām politicus : si dissimulatione quan-
doque opus est , simulationem eave : pro aliis
in benigniorem semper partem inclina . 3. Con-
versatio semper ædificet : discipulorum Chri-
stie , magistri sui doctrinam non tam tueri
verbo quām exprimere vitâ : Induimus Chri-
stum , plūs agere debet & valere in nobis Chri-
stus , quām dæmon in energumeno . 4. Non
querere vanè placere homini , sed nec gratis velis
quemquam offendere : parvus sine offensione
fructus præferendus est majori cum minima
offensione coniuncto . 5. Pravos alicujus mo-
res emendaturus , non priùs manum admove-
bis , quām intimos ejus motus constitutionem -
que perspexeris : & quod alicui vis persuadere ,
illum

illum ipsum consule de eo, quod suades, quid ipse suasurus esset alteri ? 6. Communis more age, si non scias hunc esse malum: melius est errare cum multis quam velle solum sapere. 7. Nil sponde, quod certò praestare non possis: Si non est causa dicendi aliquid, hoc ipso est causa non dicendi. Non plus assere, quam sit necesse. Non facilè utere superlativis, & potius minus quam plus proferendum, nisi ubi honorandus est alter, praestat enim in honore excedere quam deficere. 8. Non da præcepta vel instructiones, nisi rogeris, vel opportuna charitas aut necessitas suadeat. 9. Veritas jocosa saepe plus ferit & minus offendit. 10. Sapienter etiam dixit Ludov. Granat. I. 2. Ducas pecc. p. 2. Quatuor novercae veræ prudentiæ evitentur, quæ sunt præcipitatio, affectus, pertinacia, vana inopia: præcipitatio namque non deliberat. affectus excoquat, pertinacia bonis consiliis portam occludit, vana inopia, quamcumque deliberationem ingreditur, eam sine fructu dissolvit. Extrema fugiamus, virtus enim & veritas medium tenent: nunquam igitur omnia simul sunt reprehendenda, nunquam omnia simul probanda, nunquam omnia negare, nunquam omnia credere, nunquam omnia non credere debemus: nunquam ob delictum paucorum damnandi multi, nunquam ob sanctitatem aliquorum omnes justificandi sunt.

Denique ad veram prudentiam Confessarii spectat cognoscere & tam respectu sui quam aliorum in praxi rejicere pseudo-prudentiæ principia, qualia sunt, 1. Aliquando tempori credendum & dissimulandum, licet Dei honor vel propria aut aliena perfectio retardetur; postea id compensari posse. 2. Homines jam non esse capaces tantæ perfectionis, uti olim:

imò.

imò nec antiquos semper ita fuisse scrupulosos
in parvis. 3. Eos esse singulares, qui pœnitentias
aliaque agunt plura, quam Deus & Ecclesia
præscribat. 4. Habendam esse rationem sui ho-
noris, licet hoc non exigat majus Dei obsequi-
um. 5. Existimare aliquid sibi perire, si te huic
vel illi submittas, ei cedas, ab illo quid patiaris,
pejus illo habearis, is præ te honoretur. 6. Co-
nandum, ut omnibus placeas, nemini disipli-
ceas, unde sit, ut licentiūs cum aliis agas, in jo-
cos & exteriora te effundas, parum de internis
sollicitus. 7. Officium erga proximum ita exactè
peragendum, ut semper inde lauderis ac hono-
reris, licet, quæ propriæ sunt perfectionis, ne-
gligas. 8. Valetudinis habendam esse rationem,
corpus indulgentiūs tractandum, quærendas
occasiones illud bene habendi, ut diu nos ser-
vitio Dei & proximi conservemus. 9. Ipse tam
prudens & exercitatus es, ut te ipsum regere
possas, nec aliorum consilio vel directione in-
digeas &c.

C A P U T III.

1933. 1

De adjunctis Pœnitentia.

D U B I U M I.

*Quid sit sigillum Confessionis & qui ad
illud teneantur.*

R Esp. I. Sigillum hoc est obligatio juris di-
vini strictissima in omni casu, etiam quo-
integri regni salus periclitaretur, ad tacen-
dum, etiam post mortem pœnitentis, dicta in-
confessione [id est, in ordine ad absolutionem]
sacra-